



Broj: 16-12-16-2-4445-11/15
I. Sarajevo, 23. 6. 2015. godine

Na osnovu člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-4445/15 od 18.06.2015. godine, u postupku javne nabavke pružanja usluga održavanja softvera za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u konkurentskom zahtjevu za dostavljanje ponuda za javnu nabavku usluga održavanja softvera

Član 1.

Prihvata se preporuka Komisija za provođenje postupka nabavke broj 16-12-16-2-4445/15 od 18.06.2015. godine i ugovor o pružanju usluga održavanja softvera za potrebe Državne agencije za istrage i zaštitu dodjeljuju se i to za:

LOT 1 - održavanje i podrška AMLS sistema, ponuđaču "Ping" d.o.o. Sarajevo, ponuda broj 16-12-16-2-4445-10/15 od 20.05.2015. godine, za ponudenu cijenu 11.160,00 KM bez uračunatog PDV-a i

LOT 2 - održavanje DMS sistema, ponuđaču "Orka" d.o.o. Sarajevo ponuda broj 16-12-16-2-4445-16/15 od 21.05.2015. godine, za ponudenu cijenu 17.880,00 KM bez uračunatog PDV-a.

Član 2.

Ponuđači iz člana 1. ove odluke: "Ping" d.o.o. Sarajevo i "Orka" d.o.o. Sarajevo obavezuju se da u roku od pet dana od dana prijema iste ugovornom organu dostave dokaz o ispunjavanju uslova iz tač. 3.1.1 i 3.1.3 Konkurentskog zahtjeva (orginal ili ovjerena kopija).

Član 3.

Prijedlog ugovora o pružanju usluga održavanja softvera dostavit će se na potpis izabranim ponuđačima, po proteku roka od 10 dana, računajući od dana kada su svi ponuđači obaviješteni o izboru napovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga održavanja softvera za potrebe Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-2-4445-1/15 od 06.05.2015. godine, procijenjene vrijednosti 29.500,00 KM bez uračunatog PDV-a, za šta su novčana sredstva predviđena u okviru budžetskih sredstava za 2015. godinu. Postupak javne nabavke proveden je putem Konkurentskog zahtjeva, za koji je obavještenje objavljeno na Portalu javnih nabavki broj 1161-7-2-371-3-8/15 od 13.05.2015. godine.

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-2-4445/15 od 18.06.2015. godine sa preporukom o izboru najpovoljnijeg ponuđača u postupku javne nabavke usluga održavanja softvera za potrebe Državne agencije za istrage i zaštitu.

Na osnovu dostavljenog Izvještaja o radu Komisije utvrđeno je da je predmet nabavke podijeljen na lotove kako slijedi:

- LOT 1 - održavanje i podrška AMLS sistema, procijenjene vrijednosti 11.500,00 KM, bez uračunatog PDV-a i
- LOT 2 - održavanje DMS sistema, procijenjene vrijednosti 18.000,00 KM, bez uračunatog PDV-a.

Komisija je blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike.

Ukupan broj pristiglih ponuda je sedam i to:

Redni broj	Naziv ponuđača	LOT	Vrijednost ponude (bez PDV-a)
1.	"PING" d.o.o. Sarajevo	LOT 1	11.160,00 KM
2.	"INFO STUDIO" d.o.o. Sarajevo	LOT 1	11.340,00 KM
3.	"QSS" d.o.o. Sarajevo	LOT 1	11.460,00 KM
4.	"AvaCom Group" d.o.o. Mostar	LOT 2	14.160,00 KM
5.	"CONFIG" d.o.o. Mostar	LOT 2	18.000,00 KM
6.	"ALEM Sistem" d.o.o. Sarajevo	LOT 2	17.940,00 KM
7.	"ORKA" d.o.o. Sarajevo	LOT 2	17.880,00 KM

Sve pristigle ponude blagovremeno su zaprimljene.

Uvidom u sadržaj dostavljenih ponuda Komisija je utvrdila da ponuđači "Ping" d.o.o. Sarajevo, "Info Studio" d.o.o. Sarajevo, "QSS" d.o.o. Sarajevo, "AvaCom Group" d.o.o. Mostar, "Config" d.o.o. Mostar, "Alem Sistem" d.o.o. Sarajevo, "Orka" d.o.o. Sarajevo, ispunjavaju uslove u pogledu njihove lične sposobnosti, sposobnosti obavljanja profesionalne djelatnosti, te ekonomske i finansijske sposobnosti navedene u Konkurentskom zahtjevu, kao i da ponuđene cijene za LOT 1 i LOT 2 ne premašuje procijenjenu vrijednost nabavke za navedene lotove. Takođe Komisija je utvrdila da ponude ponuđača "Ping" d.o.o. Sarajevo, "Info Studio" d.o.o. Sarajevo, "QSS" d.o.o. Sarajevo, "Alem Sistem" d.o.o. Sarajevo i "Orka" d.o.o. Sarajevo ispunjavaju i formalno-pravne uslove predviđene Konkurentskim zahtjevom, dok ponude ponuđača "AvaCom" d.o.o. Mostar i "Config" d.o.o. Mostar ne ispunjavaju formalno-pravne uslove predviđene Konkurentskim zahtjevom obzirom da iste nisu sačinjene u skladu sa tačkom 2.7. Konkurentskog zahtjeva. Naime Komisija je utvrdila da su ponuđači "AvaCom" d.o.o. Mostar i "Config" d.o.o. Mostar u svojim ponudama naveli kontakt osobu, a ne odgovorno lice ponuđača zaduženo za održavanje i tehničku podršku DMS sistema, kako je to traženo tačkom 2.7. Konkurentskog zahtjeva, zbog čega navedene ponude Komisija nije dalje razmatrala niti vrednovala.

Komisija je u cilju ocjene tehničkih uslova navedenih u Konkurentskom zahtjevu, od stručnih lica Finansijsko-obavještajnog odjeljenja za LOT 1 i Sektora za operativnu podršku za LOT 2, aktom broj 16-12-16-2-4445/15 od 28.05.2015. godine, tražila da na osnovu uvida u dostavljene ponude daju mišljenja po pitanju zadovoljavanja postavljenih tehničkih uslova iz Konkurentskog zahtjeva. Aktom broj 16-05-00-1217/15 od 04.06.2015. godine Finansijsko-obavještajno odjeljenje je dostavilo svoje stručno mišljenje u kojem je potvrdilo da dostavljene ponude za LOT 1 tehnički zadovoljavajuće. Također Sektor za operativnu podršku aktom broj 16-10-16-2-4445/15 od 08.06.2015. godine, obavijestio je Komisiju da dostavljene ponude ponuđača "AvaCom" d.o.o. Mostar i "Config" d.o.o. Mostar nisu sačinjene u skladu sa tačkom 2.7. Konkurentskog zahtjeva, obzirom da navedeni ponuđači u svojim ponudama nisu naveli podatke za odgovorno lice zaduženo za održavanje i tehničku podršku DMS sistema, to jest lice koje je odgovorno da bude dostupno 24 sata za održavanje i tehnički podršku DMS sistemu.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude ponuđača koji ispunjavaju kvalifikacione i formalno-pravne uslove Konkurentskog zahtjeva, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva i sačinila rang listu ocijenjenih ponuda, kako slijedi:

Redni broj	Naziv ponuđača	LOT	Vrijednost ponude (bez PDV-a)
1.	"PING" d.o.o. Sarajevo	LOT 1	11.160,00 KM
2.	"INFO STUDIO" d.o.o. Sarajevo	LOT 1	11.340,00 KM
3.	"QSS" d.o.o. Sarajevo	LOT 1	11.460,00 KM
4.	"ORKA" d.o.o. Sarajevo	LOT 2	17.880,00 KM
5.	"ALEM Sistem" d.o.o. Sarajevo	LOT 2	17.940,00 KM

Nakon provedenog postupka ocjenjivanja dostavljenih ponuda, Komisija je utvrdila da je najpovoljniji ponuđač za LOT 1 - održavanje i podrška AMLS sistema, "Ping" d.o.o. Sarajevo, dok je za LOT 2 - održavanje DMS sistema najpovoljniji ponuđač "Orka" d.o.o. Sarajevo.

Shodno navedenom, prihvaćen je prijedlog Komisije i odlučeno je da se predmetni ugovor o pružanju usluga održavanja softvera dodijele ponuđačima kao u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 7x,
- Sektoru za mat.-fin poslove,
- a/a.

DIREKTOR
GLAVNI GENERALNI INSPEKTOR POLICIJE

Goran Zubac

